

KERATAN AKHBAR

JUDUL : Berita RTM

TARIKH : 11 August 2024

SITASI :

M/S :

Bank buku perpustakaan awam negeri terima sumbangan orang ramai. (2024a, August 11). *Berita RTM*. Retrieved August 12, 2024, from <https://berita.rtm.gov.my/nasional/senarai-berita-nasional/senarai-artikel/bank-buku-perpustakaan-awam-negeri-terima-sumbangan-orang-ramai>.

Bank buku perpustakaan awam negeri terima sumbangan orang ramai

Nasional – Dicipta:11 Ogos 2024 09:00pm - Kemaskini: 11 Ogos 2024 09:00pm



pada Program Dariku Untukmu dan Majlis Sumbangan Buku Kepada 16 SJKT di Kedah di sini, hari ini.

ALOR SETAR, 11 Ogos -Orang ramai digalakkan menyumbang buku-buku bersesuaian melalui bank buku di setiap Perbadanan Perpustakaan Awam Negeri untuk diagihkan kepada Sekolah Jenis Kebangsaan Tamil (SJKT) di seluruh negara.

Timbalan Menteri Perpaduan, K. Saraswathy berkata usaha itu merupakan antara inisiatif meningkatkan bahan bacaan di SJKT, sekali gus menyuburkan budaya membaca dalam kalangan pelajar sekolah tersebut.

"Kita sambut apa jenis juga buku asalkan ia akan membawa ilmu kepada kanak-kanak kecil dan saya juga mempelawa mereka yang simpan buku di almari tetapi

tidak digunakan menjadi khazanah ilmu yang boleh dikongsikan dengan kanak-kanak kecil saya minta mereka untuk memberi buku-buku sebagai sumbangan kepada perpustakaan peringkat sekolah sebab ia boleh bantu pelajar dapat ilmu daripada buku-buku tersebut," katanya.

Beliau berkata demikian pada Program Dariku Untukmu dan Majlis Sumbangan Buku Kepada 16 SJKT di sini, hari ini.

Ujarnya, program pertama agihan buku di Lembah Kelang telah dilaksanakan pada 17 Julai lalu membabitkan lapan SJKT dari Selangor dan tiga dari Kuala Lumpur.

Bagi program di Kedah hari ini, sebanyak 3,200 naskhah buku telah diagihkan meliputi pelbagai bidang seperti fiksi kanak-kanak dan dewasa, pendidikan, bahasa dan sastera, bacaan ringan, motivasi dan nilai-nilai murni.

Sumber : <https://berita.rtm.gov.my/nasional/senarai-berita-nasional/senarai-artikel/bank-buku-perpustakaan-awam-negeri-terima-sumbangan-orang-ramai>